

云懷猶囊也，卽其義。郭注云：以不辯爲懷耳。聖人無懷，是以懷爲懷念失之。齊物論篇：吾待蛇蚺蜺翼邪。

愚案：待當爲特，涉上文諸待字而誤。逍遙遊篇：而彭祖乃今以久特聞。崔本特誤作待，卽其例矣。呂覽適音篇高注云：特但也。言吾但如蛇蚺蜺翼耳。故下云：惡識所以然，惡識所以不然。寓言篇云：予有而不知其所以，予蜺甲也。蛇蛻也，似之而非也。與此文異而義同。郭彼注云：影似形而非形，正得其旨。此注據誤文強解，義殊難通。

養生主篇：已而爲知者，殆而已矣。

愚案：已當音紀，讀爲至人無已之已，以有涯隨無涯者，爲其執已見以求知也。德充符篇云：彼爲已以其知。天下篇云：慎到棄知去已。又云：無建已之患。

無用知之累，皆以已與知對言，可與此文互證。郭注云：已困於知，而不知止。王氏經傳釋詞引戴東原說：已猶此也，均失其旨。

人間世篇：凡事若小若大，寡不道以懽成。

愚案：郭注云：事無小大，少有不以成爲懽者，蓋因下文仲尼對公遠則必忠之以言云云，故解道爲言。然葉公自論使事不及於言，注未確。道猶術也。定十五年左傳：子蒲曰：吾未知吳道。杜注云：道猶法術是也。懽成猶樂成。成事必有其術。下文云：若成若不成，而後無患者，唯有德者能之。正與此應。人間世篇：妄則其信之也莫。

愚案：郭注云：莫然疑之。俞氏云：莫者無也。猶曰莫信之也。今案：莫信之而云信之也，莫究爲不辭，莫蓋漠之借字。淮南繆稱訓：猶未之莫與。高注云：莫勉。